

# Retningslinjer for kulturmidlar

## Sogndal kommune

Vedteke 18.02.2021 av kommunestyret Sogndal kommune

### Føremål

Sogndal kommune tildeler kulturmidlar for å

- fremja eit allsidig kultur-, aktivitets- og organisasjonsliv
- stimulera til nye idear, samarbeid og mangfald

Kommunale tilskot til frivillige organisasjonar skal bidra til å førebyggja samfunns- og ungdomsproblem, inkludera minoritetar, styrka fellesskapet og styrka medansvar, solidaritet og samfunnsansvar gjennom deltaking i det frivillige organisasjonslivet.

### Tilskotskategoriar

Lag, organisasjonar eller andre kan søkja tilskot innan desse kategoriane:

1. Kultur- og aktivitetstilbod for barn og unge
2. Allment kulturarbeid
3. Kulturarrangement og -prosjekt
4. Vedlikehald/oppgradering av forsamlingshus/bygdahus
5. Kulturminne/kulturarv
6. Andre stønadsordningar

### Felles vilkår for å søkja kulturtilskot frå Sogndal kommune:

- Søkjaren må vera ein organisasjon, eit lag eller ein einskildperson med base i Sogndal kommune, eventuelt må tiltaket søknaden omhandlar, gjennomførast heilt eller delvis i kommunen.
- Om søkjaren er eit lag eller ein organisasjon, skal laget eller organisasjonen vera registrert i kommunen sitt register over frivillige lag og organisasjonar. Det er søkjaren si plikt å halda informasjonen i registeret oppdatert.
- Det er òg ynskjeleg, men ikkje eit krav, å vera registrert i einingssregisteret.
- Alle som søker om tilskot innan kategori 1, må ha eit medlemsregister og kunna dokumentera tal medlemmar over og under 18 år.
- Gjeld søknaden ein aktivitet, er søkjaren plikta til å registrera denne i kommunen sin aktivitetskalender.
- Kommunen gir ikkje tilskot til utstyr for bruk i næringsverksemd.
- Eit eventuelt tilskot må kunngjerast i til dømes årsmelding eller på annan måte .
- Alle søknadar må kunna dokumenterast, dvs. søkjaren må kunna leggja fram rekneskap og dokumentera medlemstal der dette er relevant.

I alle kategoriane vil aktivitets- og samarbeidsprosjekt som rettar seg mot og/eller inkluderer barn og unge, eldre, funksjonshemma og flyktningar/innvandrarar i frivillige lag og organisasjonar, verta prioriterte ved tildeling.

## 1. Kultur- og aktivitetstilbud for barn og unge

Desse midlane kan søkjast av alle lag og organisasjonar som driv eller arrangerer kultur- eller aktivitetstilbud for barn og ungdom. Tilskotet gjeld all aktivitet, også aktivitet som ligg innanfor ei utvida tolking av kulturomgrepet. Søklarane kan vera lag, organisasjonar, institusjonar eller einskildpersonar som driv kulturarbeid i kommunen.

Sogndal kommune nyttar følgjande modell for fordeling av tilskot:

- Stønad til einskildsøknadar er avgrensa oppover til 10 prosent av samla pott avsett til denne tilskotskategorien innanfor ramma av kulturmidlar.
- Inntil 2/3 av tilskota innan denne kategorien skal fordelast etter medlemstal.
- Kwart lag får eit grunntilskot i tillegg til tilskot etter medlemstal.
- Ut frå tal søknadar og medlemmar skal det fastsetjast ein sats for fordeling per medlem, der det per medlem i intervallet 1–50 medlemmar skal nyttast høg sats, 51–100 medlemmar middels sats og 101–200 medlemmar låg sats. Medlemstal over 200 gjev ikkje utteljing i modellen.
- For tilskot til korps er det utarbeidd egne og høgare satsar.
- For særleg kostnadskrevjande aktivitetar kan me avvika frå modellen.

Under denne kategorien kan det òg søkjast om tilskot til leiaropplæring eller -kurs.

## 2. Allment kulturarbeid

Desse midlane kan søkjast av lag, organisasjonar eller andre som driv allment kulturarbeid, og som ikkje kjem under andre kategoriar.

Under denne kategorien kan det òg søkjast om tilskot til leiaropplæring eller -kurs.

## 3. Kulturarrangement og -prosjekt

Tilskotsordninga gjeld

- arrangement innan kultur, kunst, musikk, idrett
- aktivitetsdagar og andre aktivitetstiltak
- utstillingar eller andre kunstprosjekt

### Krav til einskildarrangement og -prosjekt:

- Arrangementet/prosjektet, eller delar av det, må skje i kommunen.
- Om prosjektet/arrangementet skal avviklast andre stader enn i Sogndal kommune, må det vera lett tilgjengeleg for Sogndal sine innbyggjarar.
- Mottakarar av arrangementsstønad pliktar å ha fritt tilgjenge for personar som har følgjekort.
- Arrangement skal i all hovudsak vera alkoholfrie og ikkje profittbaserte.

For tilskot til einskildarrangement og -prosjekt er søkjaren pliktig til å levera rapport og stadfesta rekneskap snarast råd etter at tiltaket er gjennomført.

Tilskot i denne kategorien kan vera direktetilskot eller underskotsgaranti. Sogndal kommune kan løyva tilskot opptil 50 prosent av den økonomiske ramma for tiltaket.

## 4. Vedlikehald/oppgradering av forsamlingshus/bygdahus

I Sogndal kommune er det fleire forsamlingshus som blir nytta til opne og private arrangement.

Huseigar kan søkja tilskot til

- vedlikehald av bygningsmasse
- oppgradering som gjer at bygningen kan brukast til eit større mangfald av aktivitetar
- oppgradering av naudsynt utstyr
- oppgradering som fremjar universell utforming

Sogndal kommune kan løyva tilskot opptil 50 prosent av kostnadsramma.

## 5. Kulturminne/kulturarv

Denne tilskotsordninga skal stimulera til tiltak som tek vare på eller forvaltar det lokale kulturmiljøet eller kulturarven, som bygningar og ikkje-materielle kulturminne. Prosjekt som kjem under SMIL-ordninga eller andre tilskotsordningar frå kulturminnefondet eller fylkeskommunen, vert i hovudsak ikkje prioriterte.

Døme på tiltak det kan søkjast tilskot til:

- bygningsvern
- tiltak som gjer eit kulturminne tilgjengeleg for fleire
- formidling av historia til eit kulturminne

Som ein hovudregel må tiltaket vera byrja innan eitt år etter at tilsegn er motteke. Det kan verta stilt krav om ein kortfatta skriftleg rapport til kommunen etter at tiltaket er gjennomført.

Sogndal kommune kan løyva tilskot på opptil 50 prosent av kostnadsramma.

## 6. Andre stønadsordningar

Kommunen har andre tilskotsordningar:

- Avtale om faste tilskot til årlege festivalar eller faste tiltak, òg kalla faste tilskotsmottakarar. For desse har kommunen eigne avtalar og prosedyrar.
- Sogndal idrettsråd har dei seinare åra fått løyvd eit beløp av kommunestyret til idrettslag som betalar leige av fylkeskommunale hallar. Søknad om slike midlar må rettast til idrettsrådet.
- Nærmiljøtiltak har eiga ordning, jamfør «Retningsliner for tilskot til nærmiljøtiltak/-anlegg.»

## Søknadsprosess

Kulturmidlane vert kunngjorde i februar månad, med hovudsøknadsfrist 1. april. Einskildsøknadar i kategori 3 har følgjande fristar: 1. april og 1. oktober. I alle kategoriar vert det sett av 10 prosent til ei resttildeling slik at nye søknadar, eventuelt søknadar som ikkje har fått tildeling, vert vurderte.

Søknaden skal innehalda informasjon om søkjaren (føretaksnummer, kontaktperson, adresse osv.) og ei skildring av aktiviteten/tiltaket det vert søkt om stønad til.

For at søknaden skal bli vurdert, må i regelen følgjande dokumentasjon leggjast ved:

- årsmelding frå laget/organisasjonen
- siste års godkjende rekneskap
- eventuell dokumentasjon på medlemstal

- budsjett for søknadsåret, eventuelt budsjett for tiltaket det vert søkt om midlar til, og/eller ein detaljert prosjektplan

Alle må søkja via elektroniske skjema på nettsidene til Sogndal kommune.

Søklararar som deltek i hovudsøknadsrunden, kan venta svar seinast 1. juli. Søknadar med andre fristar vil bli handsama som regel innan ein månad.

### **Klage**

Det er mogeleg å klaga på vedtaket i samsvar med § 28 i forvaltningslova. Klagen skal sendast skriftleg til den eininga som har gjort vedtaket. Klagefristen er tre veker rekna frå den dagen vedtaket kom fram til mottakaren.